



Լիբանանեան Լուրեր

Պէյրուօի Աղբերը Դարձեալ Օրակարգի Վրայ... Գալիքը Աւելի Վատն Է



Պէյրուօի փողոցներուն աղբերու հին-նոր պատմութիւնը դարձեալ օրակարգի վրայ է: Աղբակոյտերով լեցուն փողոցներու տեսարանները սկսած են կրկնուիլ ամենուրեք: Այս տեսարանը աւելի եւս կ'ընկճէ քաղաքացիին իր դէմ յանդիման ցցուած ահագին դժուարութիւններուն շարքին: Այս տգէղ երեւոյթին հիմնական պատճառը դրամի արժեզրկումն է, որուն ի դէմ աղբահաւաք Ռիմքո ընկերութիւնը առ այժմ լուծուներ չունի սպասելով քաղաքապետութեան քայլին, որ կ'ուշանայ:

Միջազգային Լուրեր

Ուաշինկթըն Պատրաստ Է Իրանի Հետ Ուղիղ Բանակցութեան



«Միացեալ Նահանգները առաջուայ պէս պատրաստ է Իրանի հետ ուղիղ բանակցութիւններու միջուկային գործարքի շուրջ», յայտարարած է ԱՄՆ Նախագահի ազգային անվտանգութեան հարցերու խորհրդականի առաջին տեղակալ Ճոնաթան Ֆայնըրը միջուկային ուժաբանութեան ոլորտի Նախագահ՝ Պայտընի վարչակազմի քաղաքականութեան Նուիրուած առջանց համաժողովի ժամանակ:

«Մենք յստակ հասկցուցած ենք, որ պատրաստ ենք ուղիղ բանակցութիւններու: Մեր դիրքորոշումը անփոփոխ է՝ մենք պատրաստ ենք վերադառնալու փոխադարձ վստահութեան վրայ հիմնուած բանակցութիւններուն», ըստ ԹԱՍՍ-ի՝ ըսած է Ֆայնըրը՝ աւելցնելով, որ Միացեալ Նահանգներն ու Իրանը առաջուայ պէս տարածայնութիւններ ունին այն հարցին շուրջ, թէ ի՞նչ կը նշանակէ հաւատարիմ մնալ միջուկային համաձայնագրի դրոյթներուն: Իրանի միջուկային համաձայնագիրը՝ Գործողութիւններու համատեղ համապարփակ ծրագիրը, ստորագրուած է 2015-ին, Իրանի Իսլամական Հանրապետութեան եւ ՄԱԿ-ի Անվտանգութեան խորհուրդի հինգ մշտական անդամ պետութիւններու ու Գերմանիոյ միջեւ, Իրանի միջուկային ծրագրի շուրջ ստեղծուած ճգնաժամը կարգաւորելու նպատակով: Միացեալ Նահանգները Նախորդ Նախագահ Տանըլտ Թրամբ 2018-ին որոշում ընդունեց իր երկիրը նշուած համաձայնագիրէն դուրս բերելու մասին, սակայն գործող Նախագահը՝ Ժո Պայտըն, կողմ է Գործողութիւններու համապարփակ ծրագրին ամերիկեան կողմի մասնակցութիւնը վերականգնելուն:

ՀԱՂՈՐԴԱԳՐՈՒԹԻՒՆ

Ամենայն Հայոց Կաթողիկոս Գարեգին Բ. Ընդունեց Տէր եւ Տիկին Յակոբ Գասարճեանները

Շաբաթ, 23 Հոկտեմբեր 2021ին, առաւօտուն ժամը 10:30ին, Մայր Աթոռ Ս. Էջմիածնի Վեհարանին մէջ, Ն.Ս.Օ.Տ.Տ. Գարեգին Բ. Ճայրագոյն Պատրիարք եւ Ամենայն Հայոց Կաթողիկոսը ընդունեց Լիբանանի խորհրդարանի Նախկին անդամ, Թ.Ս.Ս. Հիմնադիրներու Մարմնի Ատենապետ Տէր եւ Տիկին Յակոբ եւ Անի Գասարճեանները:

Ընկ. Յակոբ Գասարճեան Նախ շնորհակալութիւն յայտնեց Վեհափառ Հայրապետին ընդունելութեան համար, որ առիթ էր Նախ ստանալու Նորին Սրբութեան օրհնութիւնը եւ ապա խօսակցելու Հայաստան-Սփիւռք յարաբերութեանց, Հայաստանի եւ հայ ժողովուրդի դիմագրաւած մարտահրաւերներուն, Լիբանանի մէջ տիրող կացութեան եւ մանաւանդ լիբանանահայութեան այժմու վիճակին հետ առնչութիւն ունեցող հարցերու շուրջ: Ընկ. Յակոբ Գասարճեան Վեհափառ Հօր տեղեկութիւններ փոխանցեց գաղութի դիմագրաւած ընկերային եւ տնտեսական դժուարին կացութիւններուն մասին, ստանալով Վեհափառ Հայրապետին քաջարեական եւ զօրակցական խօսքերը, որով Ան Աստուծոյ պահպանութիւնը հայցեց լիբանանահայութեան խաղաղ եւ բարօր կեանքին համար: Տեսակցութիւնը առիթ էր նաեւ անդրադառնալու ազգային-եկեղեցական զանազան հարցերու:



Հայկական Լուրեր

ՀՀ ԱԳ Խօսնակ. «Որեւէ Հանդիպում Նախատեսուած ՉԷ»

«Վարչապետ Փաշինեանը մի քանի անգամ յայտարարել է, որ Հայաստանի Հանրապետութիւնը պատրաստ է բարձր եւ բարձրագոյն մակարդակով վերսկսել Լեռնային Ղարաբաղի հիմնախնդրի կարգաւորման շուրջ բանակցութիւններն Ատրպէյճանի հետ՝ ԵԱՀԿ Մինսքի խմբի համանախագահութեան շրջանակներում եւ մասնաթիւ ներքոյ»: Այս մասին, ըստ «Արեւելք»-ին, յայտարարած է ՀՀ ԱԳՆ մամլոյ քարտուղարը՝ անդրադառնալով Հայաստան-Ատրպէյճան-Ռուսաստան եռակողմ հանդիպման մասին լրատուամիջոցներու հարցերուն: «Միեւնոյն ժամանակ, 2021 թուականի Յունուարի 11-ի յայտարարութեան հիման վրայ՝ Հայաստանը ներգրաւուած է եռակողմ (Հայաստան, Ռուսաստան, Ատրպէյճան) աշխատանքային քննարկումներում, որոնք վերաբերում են տարածաշրջանի փոխադրային հաղորդակցութիւնների ապաշրջափակմանը: 2021 թուականի Մայիսից ի վեր եռակողմ ֆորմաթով քննարկուել է նաեւ ՀՀ տարածքից Ատրպէյճանական զինուած ուժերի ստորաբաժանումների դուրսբերումը ու Հայաստանի եւ Ատրպէյճանի սահմանների սահմանազատման եւ սահմանագծման գործընթացի հնարաւոր մեկնարկի գաղափարը, որը մինչ այս պահը կեանքի չի կոչուել:

Ամենապատիւ Եւ Գերերջանիկ Տ. Ռաֆայէլ Պետրոս ԻԱ. Տանն Կիլիկիոյ Կաթողիկէ Հայոց Կաթողիկոս Պատրիարքին Գահակալութեան Մեծաշուք Արարողութիւնը՝ Սիրոյ Եւ Միասնականութեան Հրաւեր Մը

Տանն Կիլիկիոյ Կաթողիկէ Հայոց նորընտիր Կաթողիկոս Պատրիարք Ամենապատիւ Եւ Գերերջանիկ Տէր Ռաֆայէլ Պետրոս ԻԱ.ի գահակալութեան հայրապետական մեծաշուք արարողութիւնը, որ տեղի ունեցաւ Կիրակի, 24 Յոկտեմբեր 2021-ին, Պէյրութի կեդրոնական Սբ. Գրիգոր Լուսաւորիչ-Սբ. Եղիա աթոռանիստ եկեղեցւոյ մէջ յընթացք Սուրբ Եւ Ամմահ Պատարագի համաքրիստոնէական, համալիբանանեան եւ համահայկական մասնակցութեամբ, հանդիսացաւ Սիրոյ եւ Միասնականութեան հրաւեր մը:



Արդարեւ, Հայ Կաթողիկէ եկեղեցւոյ եպիսկոպոսաց դասը մէկ ամիս առաջ՝ անցեալ 23 Սեպտեմբերին, ընտրել էր Հայ Կաթողիկէ եկեղեցւոյ նոր հայրապետը՝ յանձնիս Ամեն. Եւ Գերերջանիկ Ռաֆայէլ Պետրոս ԻԱ. Միւնասեանը, անոր գլխուն վրայ գետեղելով ոսկեթել քօղը ապա անոր յանձնելով Պատրիարքական գաւազանը, զինք ուղղեց մինչեւ Պատրիարքական Աթոռ, ուր զինք բազմեցուց, սկիզբ տալով նորընտիր Կաթողիկոս Պատրիարքի պարտականութիւններուն ու պատասխանատուութեան պաշտօնական գահակալութեան, որպէսզի Ան, եկեղեցիէն տրուած իրաւունքներուն եւ իշխանութեան միջոցաւ՝ ծառայէ Աստուծոյ ժողովուրդին:



Հոգեպարար արարողութեան իրենց մասնակցութիւնը բերին մեծ թիւով հաւատացեալներ եւ եկեղեցական. քաղաքական ու քաղաքացիական ընկերութիւնը ներկայացնող բարձրաստիճան անձնաւորութիւններ, որոնց շարքին մարոնիթներու Պատրիարք եւ Կաթողիկէ Պատրիարքներու եւ Եպիսկոպոսներու խորհուրդի նախագահ Մար Պշարա

Պուրոս Ռաաի, Յոյն Կաթողիկէ Անտիոքի Պատրիարք Եուսէֆ Ապսի, Յոյն Ուղղափառներու Անտիոքի Պատրիարք Յովհաննէս Եագեմի Ժ.ի ներկայացուցիչ առաջնորդ Կոստանդին Զայյալ, Լիբանանի մէջ պապական նուիրակ Գերապայծառ Ժողէֆ Սփիթերիի ներկայացուցիչ Գերապայծառ Ծոգեփիէ Ֆրանքօնէ, ԼՍՕՏՏՏ Գարեգին Բ. Ամենայն Հայոց Կաթողիկոսի ներկայացուցիչ Գերաշնորհ Տ. Արմաշ Արք. Նալպանտեան, ԼՍՕՏՏՏ Արամ Ա. Սեմի Տանն Կիլիկիոյ Կաթողիկոսի ներկայացուցիչ՝ Լիբանանի թեմի Առաջնորդ Գերաշնորհ Տ. Շահէ Արք. Փանոսեան, Մերձաւոր Արեւելքի Հայ Աւետարանական եկեղեցիներու միութեան նախագահ Վերապատուելի Մկրտիչ Գարակէօզեան, հայ եւ օտար հոգեւորականներ, սրբազան հայրեր, առաքինազարդ քյորեր, Հայաստանի արտակարգ եւ լիազօր դեսպան Վահագն Աթաբեկեան, Լիբանանի Հանրապետութեան նախագահին, խորհրդարանի նախագահին եւ վարչապետին ներկայացուցիչները, Պէյրութի նահանգապետը, պետական,



քաղաքական, զինուորական եւ պաշտօնական անձնաւորութիւններ եւ Հոգեւոր Տիրոջ հարազատները: Արարողութեան ընթացքին Ռամկավար Ազատական Կուսակցութիւնը ներկայացուց ՌԱԿ Լիբանանի Շրջանային Վարչութեան ատենապետ՝ ընկ. Սեւակ Յակոբեանը: Իրեն ընկերակցեցաւ վարչութեան գանձապահ՝ ընկ. Սեդրակ Զիւրէճեանը:

Գահակալութեան կանոնը հանդիսապէս Հայ Կաթողիկէ Պատրիարքութեան կառավարիչ եւ Բերիոյ թեմի Առաջնորդ՝ Արհ. Պետրոս Արք. Միրիաթեան, շրջապատուած Սիւնիոդոսական Հայրերով: Գահակալութեան արարողութեան ընթացքին արաբերէնով Աւետարանը ընթերցեց Ապսի Պատրիարք, իսկ Սուրբ Եւ Ամմահ Պատարագին ընթացքին Աւետարանը արաբերէն լեզուով ընթերցեց Պատրիարք Ռաաի: Գահակալութեան արարողութենէն ետք, Հայ Կաթողիկէ Պատրիարքութեան օգնական եպիսկոպոս Արհի. Տ. Գեորգ Եպս. Ասատուրեանի եւ ԱՄՆի Տիրամայր Նարեկի թեմի առաջնորդ Արհի. Միքայէլ Եպս. Մուրատեանի առընթերակայութեամբ, Արհ. Ռաֆայէլ Պետրոս ԻԱ. Կաթողիկոս Պատրիարքը գլխաւորեց Հայրապետական իր անդրանիկ Սուրբ Պատարագը, որուն ընթացքին արտասանած քարոզին մէջ, երախտագիտութիւն յայտնեց Աստուածային Նախախնամութեան, որ զինք կոչած է կաթողիկոսութեան առաքելութեան, ու շնորհակալութիւն յայտնեց Նաեւ Ֆրանչիսկոս Սրբազան Զահանայապետին, որ հաստատեց իր ընտրութիւնը, ինչպէս Նաեւ Սիւնիոդոսական Հայրերուն, եղբայրակից Արքեպիսկոպոսներուն եւ եպիսկոպոսներուն, որոնք իրեն վստահեցան կաթողիկոսական ծանրագոյն բեռը, «գոր միասնաբար պիտի կրենք ի խնդիր մեր հաւատացեալներու յաւիտենական փրկութեան» ըսաւ Ամեն. Հոգեւոր Տէրը ապա շնորհակալութիւն յայտնեց բոլոր ներկաներուն:



Ամենապատիւ Հոգեւոր Տէրը հոսկ խորհրդածութիւնը կեդրոնացուց իր քահանայական կոչումին վրայ, որ սկսաւ ճիշդ «այս աթոռանիստ տաճարին մէջ եւ այս աւագ խորանէն՝ երթալու համար հեռուներ, շատ հեռուներ...»:

«Երէկ, քահանայութեանս սկիզբը, հոս՝ Լիբանան, եղբայրասպան պատերազմն էր, իսկ այսօր, գահակալութեանս սկզբնաւորութեան, կը վերադառնամ հոս, մշտականաչ մայրիներուն, մեր Հայրենիքը, որպէսզի իմ քյորերուս եւ եղբայրներուս հետ բաժնեմ ամեն տեսակ նեղութիւն ու տառապանք, որոնց մէջ կը տուայտի մեր ժողովուրդը:



Հայկական Բարքեր

Հեքիաթն ու Իրական Պատմությունը . . .

ԳԵՈՐԳ ԶԵՕՇԿԵՐԵԱՆ
«Չարթոնք»ի Երեց Աշխատակից

Նախքան որ իմ նիւթիս անցնիմ, կ'ուզեմ օրինակներ բերել հեքիաթէն եւ իրական պատմութենէն, որպէսզի տեսնենք թէ ի՞նչ է տարբերութիւնը: Հեքիաթը իրական չէ, այլ հիւստիւած երեւակայութեան վրայ, որպէսզի ընթերցողը զուարճանայ եւ հաճելի ժամանակ մը անցնէ:

Յովհաննէս Թումանեանի «Կիկոսի Մահը» հեքիաթ մըն է, ուր չափահաս աղջիկ մը կ'երեւակայէ թէ ամուսնացաւ, զաւակ մը ունեցաւ Կիկոս անունով: Ան օր մը իր զաւակը անտառ պտոյտի կը տանի, ուր չարածի Կիկոս կը մագցի ծառին վրայ, կ'իյնայ ու կը մեռնի: Եւ ահա աղջիկը կը սգայ Կիկոսի մահը:

Ուրիշ օրինակ մը հեքիաթէն՝ Դերենիկ Տեմիրճեանի «Պույ-Պույ Մուկիկը», «Քաջ Նազարը» եւ այլն: Կայ նաեւ Աթաբէկ Խնկոյեանի (Խնկո Ախպեր) «Մկների Ժողովը», Գայլն ու Կատուն» եւ այլն:

Իսկ իրական պատմութիւններէն կրնամ տալ երկու օրինակ, Յակոբ Միքայէլեանի «Ճակատագրի Սեւ Կատուն» եւ Չարմինէ Պօղոսեանի «Ազգէն միջեւ Ամերիկա», որոնք իրական կեանքէ առնուած կենսագրութիւններ են: Վերադառնալով իմ նիւթին, նախ պիտի տամ օրինակ մը կատակախօսութենէ, որ յար եւ նման է հեքիաթի: Մարդ մը կը մեռնի եւ կ'երթայ երկինք, ուր զինք կը դիմաւորէ Գաբրիէլ հրեշտակը: Հետեւեալը՝ անոնց զրոյցն է,



Հրեշտակ - Ո՛ւր կ'ուզես երթալ, դրախտ թէ դժոխք:
Մարդ - Կ'ուզեմ նախ երկուքը տեսնել՝ եւ ապա որոշել:
Հրեշտակը մարդը կը տանի դժոխք, ուր տեղի կ'ունենայ կեր ու խում եւ պար, խլացնող երաժշտութեան առընթեր:
Հրեշտակը ապա մարդը կը տանի դրախտ, ուր լռութիւնը կը տիրէ:
Մարդ - Կ'ուզեմ դժոխք երթալ եւ հոն բնակիլ:
Հրեշտակը մարդը կը տանի դժոխք, ուր մարդիկ կ'այրին յաւիտենական կրակի մէջ եւ պուտ մը ջուր կ'աղերսեն . . .
Մարդ - Այս մէկը իմ տեսած դժոխքս չէ երբեք, ի՞նչ եղաւ:
Հրեշտակ - Այն ժամանակ այցելու էիր, իսկ հիմա՝ մշտական:
Գալով իրական կեանքէ առնուած պատմութեան, երեւոյթը նոյնն է Միացեալ Նահանգներ այցելողներուն, որոնք իրենց հարազատներուն քով կը մնան: Այդ առաջին անգամ ըլլալով այցելուները կը պատուովին, կը մեծարուին, կը հիւրասիրուին եւ կը պտուղուին բազմաթիւ տեսարժան վայրերը: Ուր որ երթան մեր այցելուները, իրենց հարց կը տրուի թէ՝ «Է՛հ, ի՞նչպէս տեսաք մեր Ամերիկան»:

Բայց յաջորդ տարի անոնց երկրորդ այցելութիւնը կ'ստանայ տարբեր կերպարանք: Կարծես իրենցմով զբաղող չկայ այլեւս եւ անոնք կ'զգան որբացած եւ մէկդի նետուած:

Իսկ երբ ժամանակի այցելուները՝ որոնք փառաբանուեցան եւ փայփայուեցան, հիմնական կերպով հաստատուին Միացեալ Նահանգներ, ափսո՛ս կը զգան որ իրենք առանձինս պէտք է կարգադրեն իրենց պէտք եղածը՝ առանց ուրիշին վրայ հենելու . . .

Այս պարագային, կարծես վերոյիշեալ հեքիաթին դրախտը կը վերածուի դժոխքի եւ մենք՝ զիրենք նախորդողները, կ'ըսենք «Բարի եկաք մեր Ամերիկան»:

Արդար ըլլալու համար պէտք է ըսել որ Ամերիկա նոր հաստատուողները անգիտակ են տեղական պայմաններուն եւ պէտք ունին հիսնէն հաստատուած իրենց հարազատներու խրատին, ցուցմունքներուն՝ որպէսզի անելի դիւրին ըլլայ իրենց տեղափոխութիւնը այս օտար ափերուն վրայ, չէ՞ք խորհիր . . . Բայց երբեմն հակառակը կը պատահի, ինչպէս հետեւեալ օրինակը ցոյց կու տայ: Ես կը յիշեմ մեր ազգականներէն մէկուն՝ Զուէթէն Ամերիկա հաստատուիլը: Անոնք իրենց հետը բերած կոկիկ գումարով անմիջապէս չորս միաւորով բնակարան մը գնեցին, անշարժ գոյքի գործակալի մը (real State Agent) միջնորդութեամբ: Իսկ կանուխէն հաստատուած իր եղբայրը վրան բարկացաւ եւ ըսաւ, «Դուն ո՞վ ես որ տուն կ'առնես»:

Զմոռնամ ըսելու թէ ինք տակաւին վարձու տան մը մէջ կը բնակէր, հասկցողին՝ շատ բարեւեր:

ՍԵՆ ՄՈՒԹ ԱՄԱԿԵՐ ԹՈՒՐԵՔԻՈՅ ԵՐԿՆՔԻՆ

ԲԱԳՐԱՏ ԷՍԴՈՒԳԵԱՆ

Թուրքիոյ քաղաքական օրակարգին վրայ թէեւ պաշտօնապէս ոչ մէկ ազդանշան գոյութիւն ունի, բայց երկիրը մատնուած է նախընտրութեան յատուկ քաղաքական տրամադրութիւններու: Այդ իսկ պատճառաւ ալ ընդդիմադիր քաղաքական գործիչներ յաճախ կը շրջին երկրի զանազան քաղաքները եւ կը փորձեն ժողովուրդի դժգոհութիւնները օրակարգի բերել: Տնտեսական ճգնաժամի առկայութեան մէջ թէ սղածը եւ թէ գործազրկութիւնը կը շարունակեն համատարած դժգոհութեան գլխաւոր գործօնները հանդիսանալ: Միւս կողմէ իշխանութիւնն ալ ընդդիմութեան այս գործընթացին դէմ կը տանի բոլորովին տարբեր ռազմավարութիւն մը ու կը փորձէ ներկայ դժուարութիւններու մեղքը փաթեթել ընդդիմադիրներու գլխին: Բնականաբար հասարակութեան ջախջախիչ մեծամասնութեան համար համոզիչ չի թուիր այս վարկածը, բայց պէտք է յիշել որ այդ անտրամաբանական պնդումն ալ ունի իր յաճախորդը, որն է բոլոր պայմաններու մէջ կոյրզկուրայն Երտողանի եւ անոր քաղաքականութիւններուն հաւատարիմ մնացած խաւ մը: Արդէն յայտնի է որ Նախագահ Երտողան ալ կը փորձէ այդ խաւի հաւատարմութիւնը ամրապնդել:

Այս պայմաններու տակ վերստին այժմեականութիւն կը ստանան հասարակութեան կամքը ուսումնասիրող հարցարանները: Անոնց տուեալներուն համաձայն մինչեւ մօտ օրեր Երտողանի իշխանութիւնը կը կորսնցներ իր վարկանիշները եւ սակայն չէր բարձրանար ընդդիմադիրներու ստացած զօրակցութիւնը: Իսկ վերջերս այդ գետնի վրայ ալ կարելոր փոփոխութիւններ կ'արձանագրուին եւ ընդդիմադիրներն ալ կը բարձրացնեն իրենց վիճակած ձայները:

Այս բոլորը պատճառ կը դառնան երկրէ ներս տիրող լարուածութեան ալ աճին: Այդ իսկ պատճառաւ առաջին հերթին Հանրապետական Կուսակցութեան նախագահ Զըլլախարօղլու մտահոգութիւն յայտնեց քաղաքական

բնոյթով մահափորձներու հաւանականութեան մասին: Ընդդիմադիր միւս կուսակցութիւններն ալ ձայնակցեցան այդ մտահոգութեան, յատկապէս հիմք ունենալով նախագահ Երտողանի անցեալները ընդդիմադիր կուսակցապետ Մերալ Աքքէների ենթարկուած յարձակումին դէմ արտասանած. «Դեռ ասոնք լաւ օրերդ են, տէ՛ս տակաւին ինչեր պիտի պատահին» խօսքին:

Արդարեւ նախագահ Երտողան Սուրիոյ մէջ երկու թուրք ոստիկաններու սպանութեան նիւթին անդրադառնալով յայտարարեց թէ այլեւս յորդած է համբերութեան բաժակը եւ իրենք ստիպուած են արժանի պատասխանը փոխադարձելու, եթէ ստացուի Սուրիոյ մէջ խարսխած դաշնակիցներու ապա թէ ոչ սեփական միջոցներու գործադրութեամբ:

Արդէն զօրաշարժ մը սկսած է դէպի Սուրիա ու բազմաթիւ հրասայլեր մեկնելով Իսքենտերուլի ռազմապազաններէն ուղղուած են հարեւան երկրի հիւսիսային հատուածները:

Միջազգային դիտորդներ այս ռազմավարութիւնն ալ կը գնահատեն մօտալուստ ընտրութեան մը հաւանականութեան սահմաններուն մէջ, անելի ճիշդ ընտրութենէ խուսափելու եւ հասարակութեան ուշադրութիւնը ուրիշ կետեր շեղելու փորձ մը ըլլալով:

Այս ընդհանուր պատկերին մէջ հետզհետէ կը յստականայ այն իրողութիւնը ըստ որում Թուրքիա մօտ ապագային հետզհետէ ալ անելի կը միարժուի անկանխատեսելի ու խիստ վտանգաւոր դրութեան մը մէջ:

«Ակօս»



Լիբանանահայ Դպրոց

Հայ Լեզուն Տունն Է Հայուն

Մեսրոպեան Վարժարանին Մէջ Տեղի Ունեցաւ Սրբոց Թարգմանչաց Տօնակատարութիւնը

22 Հոկտեմբեր 2021-ին Հայ կաթողիկէ Մեսրոպեան բարձրագոյն վարժարանին աշակերտները, նախորդ երկու տարիներու ստիպողական դադարէն ետք, հաւաքաբար կշեցին Սրբոց Թարգմանչաց տօնը, վարժարանին շրջափակին մէջ տեղի ունեցած հանդիսութեան մը ընթացքին:



Հանդիսութեան բացման խօսքը կատարեց Նանօր Առնէլեան: «Դարերու ընթացքին, երբ բազմաթիւ հզօր ազգեր չեն կրցած տոկալ իրենց առջեւ ծագած փոթորիկներուն եւ անցած են պատմութեան, հայ ազգը կրցաւ գոյատեւել եւ այս գոյատեւումին գլխաւոր ազդակներէն մէկը հանդիսացաւ թարգմանիչներու ճամբով հայացած մեր հաւատքն ու ստեղծուած մշակոյթը», ըսաւ Մեսրոպեանի աշակերտուհին եւ աւելցուց. «Ինչպէս անցեալին յաղթահարած ենք բոլորը եւ գոյատեւած որպէս ազգ, պիտի շարունակենք գոյատեւել այնքան ատեն մեզի չի պակսիր մեր լեզուին, մշակոյթին ու հաւատքին կառչած»:



մնալու մեր թարգմանիչներէն մեզի կտակուած գօրաւոր կամքը: Գեղարուեստական մասով Ծաղիկ դասարանի աշակերտները կատարեցին երկու երգեր՝ «Ա.Բ.Գ. » եւ «Ով եմ ես» եւ արատասանութիւն մը՝ «Մեսրոպ Մաշտոց»: Ե. դասարանի աշակերտները կատարեցին «Հայերէն» (Խաչիկ Դաշտենց), 2. դասարանը՝ «Հայ Լեզուն տունն է հայուն» (Սուշեղ Իշխան) ասմունքները, իսկ միջնակարգէն 7 աշակերտներ ներկայացուցին ասոյթներ հայոց լեզուին մասին: Փոքր Ծիծեռնակներու երգչախումբը կատարեց «Շատ կը սիրեմ իմ վարժարան» երգը, խմբավարութեամբ պարոն Մանուէլ Զէյիշեանի: Նանօր Առնէլեան եւ Սերիկ Նեմշեղիլեան կատարեցին նուազ՝ «Զելէ քելէ»:



Օրուան խորհուրդին մասին աշակերտներուն իր խօսքը ուղղեց գլխաւոր պատգամախօս՝ վարժարանի հոգեւոր տեսուչ Արժանապատիւ Տէր Ռաֆֆի քնյ. Յովհաննէսեան: Բահանայ հայրը



նախ դիտել տուաւ այն դժուարին եւ հսկայածաւալ աշխատանքը, զոր Սուրբ Թարգմանիչները կատարեցին Ե. դարուն, մեզի պարգեւելով Աստուածաշունչի «Թարգմանութեանց թագուհին», ինչպէս զայն կոչած է ֆրանսացի գիտնական մը: Ան շեշտեց, որ Թարգմանիչներուն իրագործումները նշանակալի են ոչ միայն հայերուն,



այլ ամբողջ մարդկութեան համար, քանի որ անոնց շնորհիւ մեզի հասած են բազմաթիւ օտարալեզու գործեր, որոնց բնագիրները կորսուած են ժամանակին ընթացքին: Տէր Ռաֆֆի ըսաւ, որ Աստուածաշունչը Աստուծոյ խօսքն է՝ ուղղուած մարդկութեան, հետեւաբար, անիկա պէտք է ըլլայ մշտական ընթերցանութեան աղբիւր քրիստոնէային համար: Ան համոզում յայտնեց, որ իւրա-



քանչիւր Մեսրոպեանական ի վիճակի է դառնալու Քրիստոսի եւ անոր Եկեղեցւոյ առաքեալը եւ այդպէս շարունակել Սուրբ Թարգմանիչներուն գործը:



Հանդիսութեան աւարտին աշակերտութեան իր պատգամը յղեց Մեսրոպեան վարժարանի տնօրէն պարոն Կրէկուար Գալուստ: Ան ըսաւ, որ վարժարանի շրջափակին մէջ կանգնած Սուրբ Մեսրոպի արձանը ազգային շունչ, ոգի եւ մտածողութիւն ներշնչող ներկայութիւն մըն է աշակերտութեան համար, որ այսօր անգամ մը եւս եկաւ հաստատելու, որ ամբօրէն կառչած կը մնայ իր հայկական ինքնութեան:

Լիբանանահայ Դպրոց

**Հայ Լեզուն Տունն Է Հայուն
Մտորպեան Վարժարանին Մեջ...**

Սկիզբը Էջ 04

Եկեք ուխտենք, որ յաւերժ հաւատարիմ պիտի մնանք Մտորպեան աւանդին, որ մշտապէս պիտի խօսինք, երգենք, աղօթենք եւ ապրինք հայօրէն, հայու անունը միշտ բարձր պահելով ամէն տեղ, ըսաւ պարոն Գալուստ: Ան շեշտեց,



որ հայոց լեզուն պէտք է բոլորին համար դառնայ հարազատ տուն: Պահպանենք այդ տունը, եւ պիտի տեսնէք, որ ի վիճակի պիտի ըլլանք վերադարձնելու նաեւ Արցախի բռնագրաւեալ տարածքներն ու հայրենիքի այլ տարածքներ, որոնք մեզմէ խլուեցան բռնօրէն, եզրափակեց տնօրէնը: Թարգմանչաց տօնին ընդառաջ, անցեալ շաբթուան ընթացքին Մտորպեանի նախակրթարանին եւ մանկապարտեզին մէջ աշա-



կերտներ կատարեցին տարբեր աշխատանքներ:

**Տեղեկատուական գրասենեակ
Հայ Կաթողիկէ Մտորպեան
Բարձրագոյն Վարժարանի**



Մշակութային Արձագանգ

**Հայ Գրողների
Կեղծանունների Ցանկ**

Հայ գրողներից շատերը օգտագործել են ստեղծագործական կեղծանուններ, Փորձեցի ի մի բերել դրանք, որոնք ներկայացնում եմ այս ցուցակով: Ցանկը ամբողջական չի կարող լինել:

ՌՈՒԲԻՆԱ ՕՅԱՆԵԱՆ



- 27- Սիամանթօ
- 28- Չապէլ Եսայեան
- 29- Ինտրա
- 30- Յակոբ Օշական
- 31- Թլկատինցի
- 32- Սիպիլ
Խանճան)
- 33- Մուրացան
- 34- Գամառ Զաթիպա
- 35- Մուշեղ Իշխան
- 36- Դանիէլ Վարուժան
- 37- Գարեգին Բեա
- 38- Սարմէն
- 39- Պետրոս Դուրեան
- 40- Մկրտիչ Արմէն
- 41- Մկրտիչ Կորիւն
- 42- Չարգանդ Դարեան
- 43- Հմայեակ Սիրաս
- 44- Վահէ Զաչա
- 45- Աշոտ Շայբոն
- 46- Ջիվանի
- 47- Հովասի
- 48- Շերամ
- 49- Սայեաթ-Նովա
- 50- Աշոտ Գրաշի
- 51- Մովսէս Արագի
- 52- Գեղամ Սարեան
- 53- Երուխան
- 54- Ատրպետ
- 55- Մուշեղ Գալշոյեան
- 56- Հրաչեայ Քոչար
- 57- Լեռ Կամսար
- 58- Չարեհ Որբունի
- 59- Վահէ Վահեան
- 60- Եղիշէ Չարենց
- 61- Վարանդ
- 62- Անրի Թրուայա
- 63- Ազատ Վշտունի
- 64- Թոնդրակ
- 65- Կարապետ Սիտալ

Ատոմ Եարճանեան
Չապէլ Յովհաննիսեան
Տիրան Ճրաքեան
Յակոբ Զիւֆեճեան
Յովհաննէ Յարութիւնեան
Չապէլ Ասատուր (օրիորդական՝ Չապէլ

Գրիգոր Տէր Յովհաննիսեան
Ռաֆայէլ Պատկանեան
Մուշեղ Ճենտերճեան
Դանիէլ Չալոգքեարեան
Գարեգին Սարինեան
Արմենակ Սարգսեան
Պետրոս Չըմպայեան
Մկրտիչ Յարութիւնեան
Կորիւն Մկրտչեան
Չարգանդ Մովսիսեան
Հմայեակ Ոսկանեան
Վահէ Խաչատրեան
Աշոտ Գասպարեան
Սերոբ Լեւոնեան
Արմենակ Մարկոսեան
Գրիգոր Տալեան
Յարութիւն Սայադեան
Աշոտ Գրիգորեան
Մովսէս Յարութիւնեան
Գեղամ Բաղդասարեան
Երուանդ Սրմաքեշխանլեան
Սարգիս Մուքայեաջեան
Մուշեղ Մանուկեան
Հրաչեայ Գաբրիէլեան
Արամ Տէր Թովմադեան
Չարեհ Էօքսիւզեան
Սարգիս Աբդալեան
Եղիշէ Սողոմոնեան
Սուքիաս Քուրքեան
Լեւոն Թորոսեան
Կարապետ Մամիկոնեան
Սմբատ Յովհաննիսեան
Կարապետ Շահինեան

Վիքիպեդիա ազատ հանրագիտարանից

Կեղծանուն

- 1- Դեւոնդ Ալիշան
- 2- Լեօ
- 3- Ակսել Բակունց
- 4- Համօ Սահեան
- 5- Վահան Տէրեան
- 6- Համաստեղ
- 7- Նայիրի Չարեան
- 8- Րաֆֆի
- 9- Պերճ Պոռչեան
- 10- Գեորգ Էմիլ
- 11- Դերենիկ Դեմիրճեան
- 12- Յովհաննէ Շիրազ
- 13- Նար Դոս
- 14- Շիրվանզադէ
- 15- Կոմիտաս
- 16- Ստեփան Չօրեան
- 17- Պարոյր Սեւակ
- 18- Խաչիկ Դաշտենց
- 19- Ռուբէն Սեւակ
- 20- Լեւոն Շանթ
- 21- Ծերենց
- 22- Շահան Շահնուր
- 23- Խնկո Ապեր
- 24- Գուրգէն Մահարի
- 25- Միսաք Մեծարենց
- 26- Չահրաւ

Անուն ազգանուն

Քերովբէ Ալիշանեան
Առաքել Բաբախանեան
Ալեքսանդր Թեւոսեան
Հմայեակ Գրիգորեան
Վահան Տէր Գրիգորեան
Համբարձում Կելենեան
Հայաստան Եղիազարեան
Յակոբ Մելիք Յակոբեան
Յովհաննէ Տէր Առաքելեան
Կարլէն Մուրադեան
Դերենիկ Դեմիրճօղլեան
Օննիկ Կարապետեան
Միքայէլ Յովհաննիսեան
Ալեքսանդր Մովսիսեան
Սողոմոն Սողոմոնեան
Ստեփան Առաքելեան
Պարոյր Ղազարեան
Խաչիկ Տօնոյեան
Ռուբէն Չիլինկիրեան
Լեւոն Սեդրոսեան
Յովսէփ Շիշմանեան
Շահնուր Քերեսթեճեան
Աթաբէկ Խնկոյեան
Գուրգէն Աճեմեան
Միսաք Մեծատուրեան
Չարեհ Սիմոն Եալտըզճեան

Պատմությունը, Նաե՛լ Մեր, Բեմն Է Տիրելու Մոլումներու Յետեւանք Ձախողութիւններու

ՅԱԿՈԲ ՊԱԼԵԱՆ

Իշխանութիւնը եթէ տիրապետելու սեր է, այդ կը համարեմ տխմար փառասիրութիւն: Բայց եթէ ան ստեղծագործողի արարք է, ստեղծագործութեան աշխատանք, այն ատեն կը զովերգեմ իշխանութիւնը: Անթուան տը Սէլթ'Էկզիւփերի, ֆրանսացի գրող, Ի դար

Յեռու կամ մօտ, բայց միշտ ազգի անդամի իրաւունքով, - ոչ որպէս օտար հանդիսատես, օտարի, չեզոքի, թշնամիի կամ բարեսէրի աչքով, - մտածել, խօսիլ, յանդգնիլ եւ գործել: Այս իրաւութեամբ յանձնառութիւն է: Ո՛չ սոսկ զգացումով հայու, ո՛չ ալ ծագումով հայու:

Հայաստան եւ սփիւռք(ներ) պիտի ունենա՞նք ամբոխավարական ինքնագոհութիւնը եւ ամբոխահաճական չարաշահումը գերանցող հասունութիւն, իմաստութիւն եւ քաջութիւն:

Կենդանական աշխարհին մէջ գոյութիւն ունին բնագոյական «իշխելու» վերաբերումներ, ինչպէս, երբ արուն, - կամ էգը, - կը տիրէ իր տեսակի խումբին եւ իր դիրքը կատաղութեամբ կը պաշտպանէ զինք փոխարինելու բնագոյով իր դէմ կանգնող յաւակնորդին դէմ: Տիրող արուն (le mâle dominant, անգլերէն ընդունուած ձեւը՝ alpha male) իրաւունք կ'ունենայ խումբի բոլոր էգերուն հետ սերնդագործելու, այս պատճառով ալ բոլոր բախումներ տեղի կ'ունենան զօրացած երիտասարդ արուի եւ տիրող արուին միջեւ: Յաղթողը կը տիրանայ բոլոր էգերուն, կ'ըլլայ տիրող արուն եւ խումբի առաջնորդ:

Կենդանական աշխարհին մէջ այս գերիշխանութիւնը բնագոյով կարգաւորուած է եւ կը շարունակուի: Հեռատեսիլը պատկերներ սփռած է կապիկներու եւ եղջերուներու կենքին եւ բնագոյի պատճառով անոնց մղած մարտերու մասին: Տիրել, սեփականացնել:

Երբ իշխելու եւ գերիշխելու հարցը կը հասնի մարդուն եւ մարդկային ընկերութեան, ան կը ստանայ բազմաթիւ ձեւեր, կ'արտայայտուի տարբեր մարզերու մէջ, քանի որ մարդկային ընկերութեան ծիրը շատ լայն է, քաղաքակրթութիւնները եւ մշակոյթները այլազանութիւն կ'ընծայեն, կը ձեւաւորեն, եւ մարդուն բոլոր վերաբերումները, բնագոյ գերանցելով, կը բազմապատկուին, կը մոռնանք յոյնիսկ, որ այսօրուան հակամարտութիւններուն արմատը եղած է անասնական բնագոյը: Ինքնահաստատում եւ ինքզինք իրագործելու ձգտում պէտք չէ շփոթուին տիրելու մղումին հետ:

Պլէգ Փասքալ, ֆրանսացի ներհուն իմաստասէրը ըսած է, որ «մարդը ոչ հրեշտակ է, ոչ անասուն, եւ երբ կ'ուզէ հրեշտակ ըլլալ, կ'ըլլայ անասուն»: Ինչ սխալներէ կրնայինք խուսափիլ, եթէ մտածէինք Փասքալի հետ, մայինք մարդկային իրաւութեան սահմաններուն մէջ, եթէ այդ իմաստութեամբ առաջնորդուէինք, պզտիկ եւ մեծ աքլորակոյիներ չէինք ունենար, որոնք մարդու պարագային, աթոռակոյի են, դիրքապաշտութիւն, ետերու հանդէս, եւ հոսկ՝ պատերազմներ: Մեծեր եւ պզտիկներ, թաղեր, քաղաքներ, երկիրներ: Գերմանացի իմաստասէր Ֆրեյտըիք Նիցշէ, իր կարգին, այս կացութիւնը կը սահմանէ հետեւեալ ձեով. «Մարդը պարան մըն է ձգուած անասունին եւ գերմարդուն միջեւ»:

Ողբերգութիւնը կը սկսի եւ դժբախտացնէ մարդկութիւնը, երբ առակագիրին գորտը կը փորձէ կով ըլլալ... Ինչ որ մարդկային հաւաքականութիւններու դժբախտացման պատճառ կ'ըլլայ: Այս տեսնելու համար միշտ պատուհանէն դուրս պէտք չէ նայիլ:

Վերջին տարիներուն սովորական դարձաւ syndrome բառին գործածութիւնը, որուն հայերէն թարգմանութեան համար կ'ըսուի համախտանիշ: Ընկերութիւններու մէջ գոյութիւն ունեցող hubris ախտանիշի մասին կը խօսուի, անոր սահմանումներ կը տրուին, syndrome d'hubris, ախտանիշ՝ իրականութիւնները չտեսնելու զգացողութեան, հակադրութիւններու հանդէպ անհանդուրժողութիւն, ինքնահիացում, իշխանութեան չարաշահում, անխորհուրդ նախաձեռնութիւններ: Եսակեդրոն մարդու մտային հիւանդութիւն է այս ախտը, որ բոլոր տեսակի իշխանութիւններուն կ'առնչուի, որ յանձնապատասխանութիւն է, որ կը պարփակուի անձին մէջ, կ'ընդայլի ընտանիքով եւ քիչ մըն ալ, ինչպէս կ'ըսուի՝ «խնամի-ծանօթ-բարդեկամով» (ԽԾԲ), ֆրանսացին կ'ըսէ՝ copinage: Իշխանութեան գիւնդութիւն, որ ի վերջոյ կը յանգի սխալ որոշումներու կայացման: Տիրելու եւ տիրողի այս համախտանիշը մարդկութեան մշակոյթին մէջ կը ստանայ տարբեր ձեւեր, կ'ըլլայ բազմազան, կը դադրի սոսկ բնագոյ ըլլալէ:

Փասքալ, մեծերու դիրքի մասին իր գրութիւններուն մէջ, օգտակար կը համարէր ապագայ հօգորները դաստիարակել, անոնց յիշեցնելով, որ

իշխանութեան տիրացումը ամէն բանէ առաջ կախում ունի դիպուածէն: Այսինքն՝ բազմաթիւ ազդակներէ, որոնք միշտ ալ նախատեսելի չեն, որ պատահականութիւնը իր դերը կը խաղայ: Յետեւաբար, անհրաժեշտ են գիտութիւն եւ կրթութիւն, պատմութեան եւ միւսին, միւսներու ծանօթութիւն: Փասքալի իմաստութիւնը առաջնորդող պէտք էր ըլլար բոլոր տեսակի պատասխանատուներուն համար, անոնք ըլլան նախագահ թէ նախարար, կուսակցապետեր, զանազան դիրքերու վրայ գտնուողներ, տնօրէններ, դպրոց պէտք է ըլլար անցեալին եւ ըլլայ հիմա: Անոր խօսքը առաջնորդող միտք պէտք է ըլլայ բոլոր անոնց, որոնք կը խորհին, որ իրենք են մեծը, ճիշդը, անսխալականը, անփոխարինելին: Անոնք ամէն տեղ են, ընկերային համեստ բջիջներէն մինչեւ գերագոյնները: Նաեւ մեր «փոքրիկ ածու»ին մէջ, փոքրիկ եւ փոքրացած Հայաստան եւ գունագէտ սփիւռք(ներ)՝ իր անհամար միութիւններով:

Հետեւինք Փասքալի իմաստութեան: Ան կ'ըսէ. «Մանաւանդ դուք ձեզ մի՛ անգիտանաք, խորհելով որ ձեր Էութիւնը աւելի բարձր է ուրիշներէ»: Այս «աւելի բարձր» ըլլալու համոզումը միշտ աւելի կը շեշտուի անոնց մօտ, որոնք առաւել կամ նուազ համեմատութիւններով ունին բարոյյութներ, կը գիտակցին, որ իրենցմէ աւելի արժանաւորներ կան, եւ անոնց հանդէպ կ'որոգեգրեն բացասական կեցուածքներ, միաժամանակ գործիքի վերածելով իրենց մերձաւորները եւ գործակիցները, զանոնք կը համարեն իրենց կամակատարները: Այսպէս հաստատուած են աւեր գործող մեծ եւ պզտիկ «հեղինակութիւններ», անոնք ըլլան թաղային, թէ պետական մակարդակով: Պլէգ Փասքալ կը շարունակէ. «... բոլոր զայրոյթները, ամէն բռնութիւն, եւ Մեծերու ամէն սնափառութիւն կը բխին անկէ, որ անոնք իրեն գիրենք չեն ճանչնար»... «Մեծերը բաւարար չափով կը յիշեն իրենց մահկանացու ըլլալու կացութիւնը»....

Շատ հին իմաստութիւն է «Ծանի՛ր զքեզ»ը, որ վերագրուած է Սոկրատի, բայց գրուած է Տելլիի տաճարի ճակատին. «Ծանի՛ր զքեզ, եւ պիտի ճանչնաս տիեզերքը եւ աստուածները»....

Եթէ մարդիկ այս յիշէին, մրցակցութիւնները աւելի մարդկային կ'ըլլային, ամէն ձեւի չարիք եւ պատերազմներ կը կանխուէին: Կարելորդ անկարելորդէն զատելու ողջմտութիւն կ'ունենային, կ'ունենային չափի գիտակցութիւն: Կը կենսագործէին ամերիկեան պարզ իմաստութիւնը. «ճիշդ մարդը, ճիշդ տեղը»... The right man in the right place: Բայց խնդիրը այն է, որ պատեհապաշտներ եւ ձախողածներ ալ կը կարծեն, որ իրենք կը գտնուին իրենց ճիշդ տեղը:

Ամբողջ աշխարհ բռնուած է ընչաքաղցութեան, փառասիրութեան եւ տիրելու անզայելի դարձած կիրքերով, մեր գիւղէն, թաղէն, արուարձանէն, քաղաքէն, երկրէն մինչեւ մոլորակի ամէն կողմերը:

Նաեւ, ինչպէս ըսի, մեր «փոքրիկ ածու»ին մէջ, ուր պատմահայր Խորենացիի ըսած «մեծութիւններ»էն զատ, զանոնք փոխարինող չարութիւնները ընդհանրացած են, Հայաստան եւ սփիւռք(ներ): Կը բաւէ, որ հայելիին դիմաց կանգնինք եւ ըսենք. «Ծանի՛ր զքեզ»:

Արգիլուած չէ նաեւ երբեմն լսել խօսքերը անոնց, որոնք մեր ընչաքաղցութիւններէն եւ սնափառութիւններէն վեր սաւառանած են: Եւ թերեւս կը հանդիպինք լուսաւոր միտքերու: Ֆրանսացի առակագիր բանաստեղծ Ժան տը Լա Ֆոնթէնի առակներէն մէկը, «Երկու ցուլեր եւ գորտ մը», կ'աւարտի հետեւեալ իմաստութեամբ. «Պզտիկները միշտ տուժած են մեծերու յիմարութիւններէն»: Այդ յիմարութիւնները՝ Յիշենք եւ յիշեցնենք. ընչաքաղցութեան, փառասիրութեան եւ տիրելու անզայելի դարձած կիրք: Անոնց մէջ ցանցուածներ կոպտօրէն կ'անգիտանան մարդկայինը եւ իմաստութիւնը, կը գործեն այնպէս, որ իրենք այդ բոլորէն վեր են, որ անոնք տնտեսապէս, հոգեպէս եւ բարոյապէս իրենց կողմէ ստրկացուածներուն միութարութեան համար են, ձեռնապարուածներուն, մանկապաշտի եւ թարկուածներուն:

Կ'ուզեմ եզրակացնել, ի պէտս ամէն տեսակի «Մեծ»երուն, Ի դարձ ֆրանսացի գրող Հանրի տը Մոնթերլանի դիպուկ խօսքով. «Սնափառութիւնը մարդուն տիրական կիրքն է»:

Եթէ այսքանը հասկնայինք, Հայաստան եւ սփիւռքներ, ազգին այսօրը տարբեր կ'ըլլար, վաղն ալ՝ տարբեր: Որպէսզի վաղը ուշ չըլլայ...



Առակափունջ – 3

ՌՈՒԲԻՆԱ ՕՐԱՆԵԱՆ

Ողարկում եմ մի ուրիշ առակ Վարդան Այգեկցուց: Տարբեր մեկնաբանություններ կարելի է կատարել այս առակի կապակցությամբ: Իմ կարծիքն է, որ Այգեկցին նպատակ է ունեցել շեշտել դպրության, կրթության եւ գիտության կարեւորությունը, որպէս հզոր միջոց "սաստիկ զարկելու եւ ջախջախելու" համար թշնամիներին:

Մեր օրերում, դա հենց իմաստությունն է, ազգային գաղափարախօսությունն ու մշակոյթն է, գիտությունը, քաղաքականությունն ու հմուտ դիւստագիտությունն է: Թէ որքանով հայությունը զինուած է այս զենքերով, թէ՛ որքանով ցանկություն կայ օգտուել այս զենքերից հայոց հարցերի լուծման ուղղությամբ, արդէն ուրիշ ծաւալուն նկրթ է: Փաստօրէն, այդ զենքերը, մինչեւ հիմա կախուած են մնացել պատերից՝ ի մասնաւորի Հայաստանի ներկայ իշխանությունների յանցանքով:

Կարդացէք այդ առակը:


Վարդան Այգեկցի

(13-րդ դարի առակագիր, քահանայ)

Գայլ եւ աղուէս եւ ջորի

Գայլն եւ աղուէսն եւ ջորին եղբայր եղան եւ գնացին. երբ սովեցին եւ որսի չհանդիպեցին, ասացին. «Եկէք ուտենք սրան, ով տարիքով փոքր է»:

Այսպէս ասացին գայլը եւ աղուէսը, որովհետեւ կամենում էին ջորուն ուտել: Եւ գայլին հարցրին, թէ ո՞ր տարուայ գայլ ես եւ նա ասաց. թէ ես այն



գայլն եմ, որին Նոյը տապանն առաւ: Եւ աղուէսն առաջ եկաւ եւ ասաց. «Օ՛, դու տասը ազգով ինձանից փոքր ես, եւ ես այն աղուէսն եմ, որին Աստուած ստեղծեց»: Եւ ջորին եկաւ եւ ասաց. «Իմ ծննդեան թուականը գրուած է սմբակիս վրայ. եկէք, կարդացէք տեսէք քանի տարեկան եմ»: Եւ ոտքը բարձրացրեց: Աղուէսն ասաց գայլին. «Գիտեմ, որ դու դպրոցում եղել ես, արի գիրը կարդա»: Եւ գայլը հաւատաց եւ գնաց կարդալու: Եւ ջորին ասաց. «Առաջ արի, որովհետեւ գիրս մանր է»: Եւ նա առաջ գնաց եւ ջորին սաստիկ ուժով զարկեց գայլի ճակատին եւ ջախջախեց եւ գայլը գնաց կողկոնձալով: Եւ աղուէսն ասաց գայլին. «Արի, մի տող էլ կայ, այն էլ կարդա»: Գայլն ասաց. «Ես ինչ գիտեի գիրը, մենք ազգէ ազգ մսագործ ենք եւ մսագործի որդի»:

ԲԱՆ ՈՒ ԳԻՐ

Իմ բաժին տանջանքը կրեցի,
Իմ բաժին ցաւերին դիմացայ:
Ամեն տեղ ես իմ չափն իմացայ,
Պարտք տալով պարտքի մէջ խրուեցի:
Իմ բաժին կռիւը կռուեցի,
Իմ բաժին զրկանքը ես տարայ:
Տուեցի, տուածս ետ չառայ,
Ասացին ժլատ ես,-ւեցի:
Իմ բաժին աղունը փռեցի,
Իմ մէջքով ես տարայ ջրաղաց,
Բաշխեցի, ինձ ոչինչ չմնաց,
Հրճուանքից ես իմ մէջ փլուեցի:
Իմ լացով իմ այգին ջրեցի,
Իմ ջանքով իմ սարը բարձրացայ:
Պարգուելով, պարգուելով բարոյացայ
Եւ նորից իմ միջից ծլեցի...
Իմ խելքով իմ երգը գրեցի,
Զուգեցի ոչ ոքից ոչ մի բան,
Իմ ոտքով բացեցի իմ ճամփան,
Իմ ձեռքով իմ բախտը կռեցի:


ՀԱՍՏ ՍԱՀԵԱՆ

ՄՇԱԿՈՒԹԱՅԻՆ ՕՐԱՅՈՅՑ

25 2021
ՀՈԿՏԵՄԲԵՐ

Կրկ Երկ Երեք Զրեք Հնգ Ուրբ Երթ

					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30
31						



ԶՈՒԼԷԶԱ ՄԵԼԻՔԵԱՆ

(1939)

«Ժամադրություն»

Ամենապատիւ Եւ Գերերջանիկ Տ. Ռաֆայել Պետրոս ԻԱ. Տանն Կիլիկիոյ Կաթողիկէ Հայոց Կաթողիկոս Պատրիարքին Գահակալութեան Մեծաշուք Արարողութիւնը...

Սկիզբը Էջ 02

Սակայն, քանի անցեալի դժուարութիւնները յաղթահարեցինք եւ վերապրեցանք միասնաբար, հետեւաբար, լիախտաւ եւ որ Աստուածային Նախախնամութեամբ եւ Զրիստոսի՝ Բարի Հովիւին անհուն ողորմութեամբ, մենք պիտի կարենանք յաղթահարել նաեւ ներկայի բոլոր նեղութիւնները», ըսաւ ի մէջ այլոց Ամենապատիւ Հոգեւոր Տէրը, ապա հրաւիրեց բոլոր ներկաները «միասնաբար, ձեռք-ձեռքի տուած, սիրտ-սրտով միացած մեր Փրկչին՝ Բարի եւ Զաջ Հովիւին, ապաւինինք անոր հովանիին ու զօրութեան» եւ



քարոզը աւարտեց ըսելով. «Բարի եւ Զաջ Հովիւին Մօր՝ Աստուածածին Սբ. Կոյսին պաշտպանութեան ներքեւ ապրինք այս տագնապալից ու տառապալից ժամանակաշրջանը՝ խնդրելով անոր մայրենի յարատեւ ներկայութիւնը մեր առօրեայ կեանքին մէջ: Ամէն»:

Սուրբ Զոհի աւարտին ընթերցուեցան Կարդինալ Սանտրիի, Արամ Ա. Վեհափառի եւ Փարիզի առաջնորդ՝ գերապայծառ Միշել Օ՛Փըթիի շնորհաւորական պատգամները, ապա նորոժ Կաթողիկոս Պատրիարքը ընդունեց ներկաներու շնորհաւորութիւններն ու բարեմաղանքները:

ՆԱԶԵԼԻ ԷՊԷԵԱՆ ՆԱԼՊԱՆՏԵԱՆ

Մարզական

ՀԲԸՄ-ՅԵԸ Անդրանիկ Պեյրուբի Աղջիկները Փինկ Փոնկի Լիբանանի Ախոյեան



ՀԲԸՄ- ՅԵԸ Անդրանիկ Պեյրուբի տղաքը Լիբանանի փինկ փոնկի Ա. դասակարգի ախոյեանությունը շահել է քանի մը օր ետք, ՀԲԸՄ-ՅԵԸ-ի աղջիկները կրկնապատկեցին տղոց յաջողությունը, շահելով աղջկանց տիտղոսը:

Մրցումները ընթացան Լիբանանի փինկ փոնկի ֆետերասիոնին հովանավորության տակ, Մոն Լա Սալի մէջ: Ախոյեանության տիտղոսին համար պայքարեցան չորս խմբակներու բաժնուած տասն եւ երկու խումբեր (իւրաքանչիւր խմբակ՝ երեք խումբ): Խմբակներուն գլխավոր երկու դիրքերը

գրաւող կազմերը անցան քառորդ աւարտականի փուլը:

Մեր աղջիկները գրաւեցին իրենց խմբակին առաջին դիրքը: Անոնք քառորդ աւարտականին՝ 3-0 արդիւնքով պարտութեան մատնեցին Ալ Ռիասի Պապատան, իսկ կիսաւարտականին՝ 3-0 արդիւնքով ՀԲԸՄ Պեյրուբը:

Աւարտական մրցումին ՀԲԸՄ-ՅԵԸ Անդրանիկ Պեյրուբ՝ 3-1 արդիւնքով պարտութեան մատնեց Ահլի Սայտան եւ արժանաւորապէս շահեցաւ ախոյեանության տիտղոսը:

ՀԵԸ-ի Կեդրոնական Վարչութեան եւ բոլոր միութենականներուն անունով կը շնորհաւորենք ՀԲԸՄ- ՅԵԸ Անդրանիկ Պեյրուբի կազմը ներկայացնող մարզուհիներ Մարիանա Սահակեանը, Թալիա եւ Լեթիսիա Ազար քոյրերը, խումբին մարզիչ Մելիք Ալ Թաուիլը եւ վարչական պատասխանատու՝ Սահակ Պիտինեանը:

ԱՊԱՔԻՆՄԱՆ ՄԱՂԹԱՆԸ

Իմացանք, թէ նուիրեալ կուսակցական ընկեր եւ ԶԱՐԹՈՆԵՐ-ի աշխատակից Տոքթ. Ճորճ Բարսեղեան վիրաբուժական բարդ գործողութեան մը եւթարկուած է Երեւանի մէջ:

Յաջող գործողութեան արդիւնքով, ան կը բոլորէ ապաքինման շրջան մը: Շուտափոյթ ապաքինում կը մաղթենք մեր հոգեհարազատ ընկերոջ:

Հայկական Լուրեր

ՀՀ ԱԳ Խօսնակ. «Որեւէ Հանդիպում Նախատեսուած Չէ» Սկիզբը Էջ 01

Սահմանների սահմանազատման եւ սահմանագծման, ինչպէս նաեւ տարածաշրջանային հաղորդակցութիւնների բացման հարցում խորհրդատուական օժանդակութիւն ցուցաբերելու պատրաստակամութիւն են յայտնել ԵԱՀԿ Մինսքի խումբի միւս երկու համանախագահող երկրները՝ ԱՄՆ-ն եւ Ֆրանսան, ինչպէս նաեւ Եւրոպական Միութիւնը:

Հայաստանի Հանրապետության կառավարութիւնը վերը նշուած օրակարգի մասին յայտարարել է դեռ ամիսներ առաջ եւ հետեւողական է լինելու դրա յառաջմղման, Հայաստանի Հանրապետության եւ Արցախի շահերը պաշտպանելու, տեական խաղաղութիւն եւ կայունութիւն հաստատելու հարցում: Միեւնոյն ժամանակ ուզում են ընդգծել, որ այս պահի դրութեամբ Հայաստանի վարչապետի եւ Ատրպեյճանի նախագահի միջեւ որեւէ հանդիպում չի նախատեսուած չէ: Կան տարբեր ձեւաչափերով տարբեր հանդիպումների առաջարկներ, որոնք քննարկման փուլում են:

Ուզում են նաեւ ընդգծել, որ այս թեմայի շուրջ որոշ շրջանակների տարածած լուրերը ակնյայտ սադրիչ բնոյթ ունեն եւ իրականութեանը չեն համապատասխանում: Իրավիճակի մէջ ճիշդ կողմնորոշուելու համար խորհուրդ կու տայի ուսումնասիրել 2021 թուականի յունուարի 11-ի մոսկովեան եռակողմ հանդիպմանը նախորդած լուրերը, պնդումները, «բացայայտումները», ծանօթանալ հանդիպման արդիւնքներին ու բովանդակութեանը եւ յետահայեաց վերլուծել, թէ որքանով էին համապատասխանում հանդիպումից առաջ տարածուող լուրերը իրականութեանը»:

ՀԲԸՄ- ՅԵԸ Անդրանիկ Պեյրուբ Լիբանանի Փինկ Փոնկի Ախոյեան



Յարատւ աշխատանք եւ կամք: Լիբանանի այս տաղնապալի առօրեային մէջ ՀԲԸՄ-ՅԵԸ-ի ընտանիքը պայմաններուն արտօնած սահմաններուն մէջ կը շարունակէ բեղուն գործունեութիւն:

Ահաւասիկ բարի արագիւ մը համայն ՀԲԸՄ- ՅԵԸ-ի մեծ ընտանիքին: ՀԲԸՄ- ՅԵԸ Անդրանիկ Պեյրուբ արժանաւորապէս շահեցաւ Լիբանանի փինկ փոնկի (սեղանի թենիս) Ա. դասակարգի ախոյեանության տիտղոսը: Մրցումները տեղի ունեցան Մոն Լա Սալի մէջ, Լիբանանի փինկ փոնկի ֆետերասիոնին հովանավորության տակ:

Առաջին փուլին, ախոյեանության մասնակից 12 ակումբները բաժնուեցան երկու խմբակներու: Իւրաքանչիւր խումբ, իր խմբակին մէջ պիտի մրցէր մնացեալ հինգ խումբերուն դէմ: Խմբակներուն երկու գլխավոր դիրքերը գրաւող կազմերը պիտի անցնէին կիսաւարտական փուլ:



Հակառակ այն իրողութեան, որ մրցակից կազմերու մեծամասնութիւնը օժտուած էին փորձառու, յաճախ ալ արտասահմանէն ժամանած ծագումով լիբանանցի մարզիկներով, ՀԵԸ Անդրանիկ Պեյրուբ «ճիւնիոր»ներու կազմով որոշեց մասնակցիլ ախոյեանության մրցումներուն:

Մեր տղաքը պարտութեան մատնեցին իրենց խմբակին մէջ գտնուող բոլոր՝ հինգ մրցակիցները եւ գլխավորեցին խմբակին ընդհանուր դասաւորումը եւ անցան ախոյեանության կիսաւարտականի փուլին:

Կիսաւարտական փուլի մրցումին, ՀԵԸ Անդրանիկ Պեյրուբ՝ 3-2 արդիւնքով պարտութեան մատնեց Լիբանանի բանակի խումբին, իսկ աւարտականին՝ 3-0 արդիւնքով Ահլի Սայտային:

Նշենք, թէ ՀԵԸ Անդրանիկ Պեյրուբ վերջին անգամ 2002-ին շահած էր տոյն տիտղոսը:

Ջերմօրէն կը շնորհաւորենք ՀԵԸ Անդրանիկ Պեյրուբի մարզիկները, անոր մարզչական կազմը, վարչական պատասխանատուները այս պանծալի յաղթանակին առիթով, մաղթելով նորանոր նուաճումներ:

ՀԵԸ Անդրանիկ Պեյրուբի փինկ փոնկի կազմին մարզիչն է Մելիք Թաուիլը, վարչական պատասխանատուն՝ Սահակ Պիտինեանը:

Ստորեւ, ախոյեանության խմբակային փուլի մրցումներուն, ՀԵԸ Անդրանիկ Պեյրուբի արձանագրած արդիւնքները.

ՀԵԸ Անդրանիկ Պեյրուբ - ՀԲԸՄ Պեյրուբ՝ 3-1

ՀԵԸ Անդրանիկ Պեյրուբ - Մոն Լա Սալ՝ 3-0

ՀԵԸ Անդրանիկ Պեյրուբ - Չարիթ Տար Էլ Նուր՝ 3-0

ՀԵԸ Անդրանիկ Պեյրուբ - Լիւա 2 Սայտա՝ 3-2

Ի գիտութիւն մեր մարզասէր հասարակութեան, այսօր՝ Շաբաթ, 23 Հոկտեմբեր 2021, պիտի սկսի Լիբանանի փինկ փոնկի աղջկանց ախոյեանությունը: Յաջողութիւն մեր բոլոր մարզուհիներուն: